

যুগান্তর

প্রিন্ট: ০২ ফেব্রুয়ারি ২০২৫, ০২:৪২ পিএম


ভর্তি

জবির ভর্তি পরীক্ষায় আবু সাঈদকে নিয়ে প্রশ্ন



জবি প্রতিনিধি

প্রকাশ: ৩১ জানুয়ারি ২০২৫, ০৯:৩৭ পিএম



জগন্নাথ বিশ্ববিদ্যালয়ের (জবি) 'ই' ইউনিটের (চারুকলা অনুষদ) ২০২৪-২৫ শিক্ষাবর্ষের স্নাতক প্রথমবর্ষের ভর্তি পরীক্ষা অনুষ্ঠিত হয়েছে।

শুক্রবার স্বতন্ত্র ভর্তি পদ্ধতিতে বিশ্ববিদ্যালয় ক্যাম্পাসে সকাল ১০টায় পরীক্ষা শুরু হয়।
পরীক্ষায় প্রশ্ন এসেছে জুলাই আন্দোলনে শহিদ আবু সাঈদকে নিয়ে।

চারুকলা ইউনিটে ৬০টি আসনের বিপরীতে মোট পরীক্ষার্থী ছিলেন ১ হাজার ৩৭৫ জন।
উপস্থিতির হার ছিল প্রায় ৯০ শতাংশ। পরীক্ষায় সাধারণ জ্ঞান অংশের একটি প্রশ্নে
বৈষম্যবিরোধী ছাত্র আন্দোলনে আবু সাঈদের শহিদ হওয়ার তারিখ জানতে চাওয়া হয়।

বিশ্ববিদ্যালয়ের চারুকলা অনুষদের ডিন অধ্যাপক মোহা. আলপ্তগীন তুষার বলেন, পরীক্ষা খুব
সুন্দরভাবে সম্পন্ন হয়েছে। এর মাধ্যমে আমরা গুচ্ছ থেকে বের হয়ে গেলাম। ভর্তি পরীক্ষার্থী ও
অভিভাবকদের সেবায় কাজ করে জবি শাখা ছাত্রদল ও ছাত্রশিবির। এছাড়া অঞ্চলভিত্তিক
বিভিন্ন ছাত্র সংগঠন পরীক্ষার্থীদের বিভিন্ন সেবা দেয়।

শাখা ছাত্রশিবিরের সেক্রেটারি রিয়াজুল ইসলাম বলেন, ছাত্রশিবির সবসময় শিক্ষার্থীদের
কল্যাণে কাজ করে। শাখা ছাত্রদলের আহ্বায়ক মেহেদী হাসান হিমেল বলেন, পরবর্তী
পরীক্ষাগুলোতেও জবি ছাত্রদল ভর্তিচ্ছুক পরীক্ষার্থীদের পাশে থাকবে।